



## Bahagian Perubatan Tradisional dan Komplementari Kementerian Kesihatan Malaysia

### GARIS PANDUAN PERMOHONAN PEMBANTU PENGAMAL PERUBATAN TRADISIONAL DAN KOMPLEMENTARI (PT&K) WARGA ASING

#### PENGENALAN

Syarikat yang ingin menggaji pembantu pengamal Perubatan Tradisional dan Komplementari (PT&K) warga asing untuk memberi perkhidmatan di Malaysia perlu terlebih dahulu memohon kepada Bahagian Perubatan Tradisional dan Komplementari (BPTK), Kementerian Kesihatan Malaysia (KKM) untuk membuat penyaringan kelayakan sebelum memohon pas pengajian untuk pembantu pengamal tersebut dengan Jabatan Imigresen Malaysia (JIM). Permohonan ke BPTK harus memenuhi semua syarat yang telah ditetapkan. Walau bagaimanapun, kelulusan kemasukan pembantu pengamal PT&K warga asing ke Malaysia adalah di bawah bidang kuasa JIM dan bukan KKM.

#### OBJEKTIF

Garis panduan ini bertujuan untuk menerangkan kriteria dan proses yang terlibat dalam permohonan penyaringan kelayakan pembantu pengamal PT&K warga asing.

#### 1.0 SYARAT-SYARAT BAGI SYARIKAT YANG MEMOHON

- 1.1 Syarikat yang memohon harus:
  - a. merupakan sebuah syarikat yang berkaitan dengan amalan PT&K (mempunyai objektif penubuhan syarikat yang berkaitan dengan amalan PT&K).
  - b. berdaftar dengan Suruhanjaya Syarikat Malaysia (SSM [www.ssm.com.my](http://www.ssm.com.my)). Walau bagaimanapun, keperluan bagi penubuhan syarikat tertakluk kepada perundangan negeri masing-masing.
  - c. mengemukakan salinan lesen perniagaan semasa yang masih sah daripada Pihak Berkuasa Tempatan (PBT) bagi premis untuk memberikan perkhidmatan PT&K. Perkhidmatan PT&K secara bebas (*freelance*) adalah tidak dibenarkan.

#### 2.0 SYARAT-SYARAT BAGI PENGIKLANAN JAWATAN

- 2.1 Syarikat harus membuktikan usaha syarikat dalam pengambilan pembantu pengamal PT&K warga tempatan terlebih dahulu sebelum membuka peluang kepada pembantu pengamal PT&K warga asing dengan mengiklankan jawatan pembantu pengamal PT&K dalam akhbar tempatan.
- 2.2 Iklan jawatan yang diterbitkan harus memenuhi syarat-syarat berikut:
  - a. Jawatan diiklankan sekurang-kurangnya tiga (3) kali;
  - b. Selangan setiap iklan jawatan adalah sekurang-kurangnya lima (5) hari;
  - c. Kesemua iklan jawatan diiklankan dalam akhbar-akhbar utama tempatan;
  - d. Salah satu (1) iklan jawatan diiklankan dalam akhbar tempatan Bahasa Malaysia;
  - e. Iklan jawatan yang dikemukakan menunjukkan dengan jelas tarikh dan nama akhbar.
- 2.3 Iklan jawatan yang diterbitkan harus menyatakan dengan jelas (contoh seperti di **Lampiran A**):
  - a. Nama, alamat dan nombor telefon syarikat pengiklan;
  - b. Nama jawatan yang dipohon, bidang amalan dan bilangan pembantu pengamal yang diperlukan;



**Bahagian Perubatan Tradisional dan Komplementari  
Kementerian Kesihatan Malaysia**

**GARIS PANDUAN PERMOHONAN PEMBANTU PENGAMAL  
PERUBATAN TRADISIONAL DAN KOMPLEMENTARI (PT&K)  
WARGA ASING**

- c. Tarikh tutup permohonan jawatan (sekurang-kurangnya satu minggu daripada tarikh iklan jawatan).
- 2.4 Syarikat hanya boleh mengemukakan permohonan kepada BPTK selepas tarikh tutup iklan jawatan yang terakhir.
- 2.5 Setiap permohonan baru hendaklah disertakan bersama-sama dengan 3 iklan jawatan yang sah.
- 2.6 Tempoh sahlaku setiap iklan jawatan adalah enam (6) bulan dari tarikh iklan diterbitkan.
- 2.7 Syarat pengiklanan jawatan adalah dikecualikan bagi:
- Pembantu pengamal warga asing yang telah berkahwin dengan warganegara Malaysia; dan
  - Permohonan pembaharuan untuk pembantu pengamal yang sama dari syarikat yang sama.

**3.0 SYARAT-SYARAT BAGI PEMBANTU PENGAMAL**

- 3.1 Warga asing yang ingin memohon jawatan di mana kelayakan asas yang diwajibkan adalah **Diploma atau Sijil** akan digelar sebagai **pembantu pengamal**. Mereka harus:
- Memberikan perkhidmatan di bawah seliaan seorang pengamal PT&K yang sah;
  - Mengemukakan salinan transkrip pengajian untuk kelayakan asas yang dikemukakan;
  - Mempunyai sekurang-kurangnya tiga (3) tahun pengalaman bekerja dalam bidang amalan yang berkenaan selepas sijil kelayakan diperolehi;
  - Berumur sekurang-kurangnya 23 tahun.
- 3.2 Kelayakan akademik:
- Pembantu pengamal harus mengemukakan bukti kelayakan asas dalam bidang amalan yang diiktiraf seperti senarai di **Lampiran B**;
  - Kelayakan asas yang diperolehi melalui pengajian sendiri, pengajian jarak jauh, pengajian secara *correspondence* atau pengajian secara separa masa tidak akan diterima;
  - Untuk permohonan baru, salinan sijil kelayakan yang dikemukakan harus terlebih dahulu disahkan benar oleh pihak berkuasa yang berkaitan dari negara yang mengeluarkan sijil;
  - Jawatan yang dipohon harus bersesuaian dengan kelayakan yang dimiliki.
- 3.3 Syarat-syarat lain:
- Pembantu pengamal harus mengemukakan permohonan melalui syarikat tempatan (permohonan secara individu akan ditolak);
  - Pembantu pengamal hanya dibenarkan untuk bekerja dengan satu syarikat sahaja pada suatu masa.



## Bahagian Perubatan Tradisional dan Komplementari Kementerian Kesihatan Malaysia

### GARIS PANDUAN PERMOHONAN PEMBANTU PENGAMAL PERUBATAN TRADISIONAL DAN KOMPLEMENTARI (PT&K) WARGA ASING

#### 4.0 PERMOHONAN PEMBAHARUAN

- 4.1 Permohonan pembaharuan harus dihantar kepada BPTK sekurang-kurangnya tiga (3) bulan sebelum tarikh luput pas pengajian.
- 4.2 Syarat pengiklanan jawatan adalah dikecualikan.
- 4.3 Keperluan perakuan sah salinan sijil oleh negara yang mengeluarkan sijil turut dikecualikan.

#### 5.0 PROSES PERMOHONAN

- 5.1 Permohonan harus dihantar secara serahan tangan atau melalui pos kepada pejabat BPTK (alamat seperti di muka surat 5) dengan dokumen-dokumen lengkap seperti yang dinyatakan dalam Senarai Semak Permohonan Pembantu Pengamal PT&K Warga Asing.
- 5.2 Permohonan untuk setiap pembantu pengamal akan dikenakan bayaran pemrosesan berjumlah Ringgit Malaysia dua ratus (RM200). Bayaran ini tidak akan dikembalikan dan boleh dibuat secara:
  - a. Tunai (hanya diterima sekiranya permohonan dihantar secara serahan tangan ke pejabat BPTK daripada wakil syarikat); atau Dibayar kepada **Pengarah Bahagian Perubatan Tradisional dan Komplementari** melalui:
  - b. Cek; atau
  - c. Wang pos/ kiriman wang; atau
  - d. Draf bank.
- 5.3 Hanya permohonan yang lengkap akan diterima dan diproses.
- 5.4 Tiada pindaan dibenarkan selepas permohonan dihantar.
- 5.5 Syarikat yang memohon bertanggungjawab mengemukakan penjelasan atau dokumen tambahan selepas penerimaan permohonan sekiranya diperlukan. Permohonan akan **dibatalkan** sekiranya syarikat gagal memberi maklum balas yang diperlukan dalam masa satu (1) bulan.
- 5.6 BPTK berhak untuk menolak sesuatu permohonan sekiranya terdapat keraguan terhadap kesahihan dokumen sokongan yang dikemukakan.

#### 6.0 KEPUTUSAN PERMOHONAN

- 6.1 Keputusan permohonan akan dihantar kepada:
  - a. Syarikat yang memohon;
  - b. Bahagian Khidmat Ekspatriat, Jabatan Imigresen Malaysia;
  - c. *Malaysia Expatriate Talent Service Centre* (MYXpats Centre);
  - d. Pejabat cawangan PT&K yang berkenaan.



## Bahagian Perubatan Tradisional dan Komplementari Kementerian Kesihatan Malaysia

### GARIS PANDUAN PERMOHONAN PEMBANTU PENGAMAL PERUBATAN TRADISIONAL DAN KOMPLEMENTARI (PT&K) WARGA ASING

- 6.2 Permohonan yang diluluskan akan diberi surat maklum balas membenarkan pembantu pengamal mengamal untuk tempoh maksimum 24 bulan. Walau bagaimanapun, tempoh kelulusan itu boleh dikurangkan tertakluk kepada keputusan BPTK.
- 6.3 Tempoh sah laku setiap surat maklum balas keputusan permohonan penyaringan adalah enam (6) bulan dari tarikh surat dikeluarkan

#### 7.0 PROSES RAYUAN

- 7.1 Untuk permohonan yang ditolak oleh BPTK, syarikat berkenaan boleh mengemukakan rayuan kepada Ketua Pengarah Kesihatan Malaysia melalui BPTK dalam masa tiga puluh (30) hari dari tarikh surat keputusan permohonan dikeluarkan.
- 7.2 Rayuan untuk permohonan yang ditolak kerana sebab-sebab berikut tidak akan diproses:
  - a. Kelayakan asas pembantu pengamal tidak memenuhi syarat-syarat yang ditetapkan dalam garis panduan;
  - b. Pemalsuan dokumen;
  - c. Syarikat yang mewakili pembantu pengamal telah disenarai hitamkan oleh BPTK, KKM, JIM atau kementerian-kementerian lain;
  - d. Pembantu pengamal yang berkenaan telah disenarai hitamkan oleh negara asal, BPTK, KKM, JIM atau kementerian-kementerian lain.
- 7.3 Rayuan hanya boleh dikemukakan SEKALI sahaja.
- 7.4 Keputusan Ketua Pengarah Kesihatan Malaysia adalah muktamad.

#### 8.0 TERMA DAN SYARAT KELULUSAN

- 8.1 Syarikat yang memohon dan pembantu pengamal PT&K harus:
  - a. Menjalankan perkhidmatan seperti mana yang telah dipersetujui;
  - b. Mematuhi syarat dan peraturan amalan seperti yang terdapat di dalam kod-kod etika bagi amalan PT&K dan lain-lain peraturan yang berkaitan.
  - c. Mematuhi Akta PT&K 2016, Akta Ubat (Iklan dan Penjualan) 1956 serta akta-akta lain yang berkaitan.
- 8.2 Surat maklum balas akan dibatalkan serta merta sekiranya syarikat yang memohon atau pembantu pengamal yang berkaitan didapati melakukan mana-mana kesalahan atau melanggar mana-mana perundangan yang berkaitan di Malaysia.

*Garis panduan ini tertakluk kepada perubahan dari masa ke semasa dan tanpa sebarang notis awal*



**Bahagian Perubatan Tradisional dan Komplementari  
Kementerian Kesihatan Malaysia**

**GARIS PANDUAN PERMOHONAN PEMBANTU PENGAMAL  
PERUBATAN TRADISIONAL DAN KOMPLEMENTARI (PT&K)  
WARGA ASING**

Untuk maklumat lanjut, sila hubungi:  
Unit Pendaftaran dan Perakuan  
Cawangan Majlis PT&K  
Bahagian Perubatan Tradisional dan Komplementari  
Kementerian Kesihatan Malaysia  
Aras Bawah, Blok D, Jalan Cenderasari  
50590 Kuala Lumpur

Tel : +603-2279 8100 (Ext: 487/488)  
Faks : +603-2691 1259  
Laman web : <http://tcm.moh.gov.my>



**Bahagian Perubatan Tradisional dan Komplementari  
Kementerian Kesihatan Malaysia**

**GARIS PANDUAN PERMOHONAN PEMBANTU PENGAMAL  
PERUBATAN TRADISIONAL DAN KOMPLEMENTARI (PT&K)  
WARGA ASING**

LAMPIRAN A

**FORMAT BAGI PENGIKLANAN JAWATAN**

Bil	Format	Contoh
1.	<p><b>Jawatan Kosong</b></p> <p><b>Jawatan Pembantu Pengamal (Bidang Amalan)</b></p> <p><b>Bilangan Pembantu Pengamal yang Diperlukan</b></p> <p><b>Sila Hubungi:</b> <b><u>Encik / Puan / Cik XXX</u></b> <b><u>Nama Syarikat</u></b> <b><u>Alamat Syarikat</u></b> <b><u>Nombor Telefon Syarikat</u></b></p> <p><b>Tarikh Tutup Permohonan</b> <b><u>Satu minggu selepas tarikh penerbitan iklan jawatan</u></b></p>	<p><b>Jawatan Kosong</b></p> <p><b>Pembantu Pengamal Perubatan Tradisional dan Komplementari (Pembantu Pengamal Ayurveda)</b></p> <p><b>Tiga (3) Orang Pembantu Pengamal Diperlukan</b></p> <p><b>Sila Hubungi:</b> <b>Encik Siva or Cik Farah</b> <b>XXX Ayurvedic Centre</b> <b>No 2, Jalan XXX, Taman XXX, 51000 KL</b> <b>03-32132132</b></p> <p><b>Tarikh Tutup Permohonan: 12 Mei 2021</b></p>
2.	<p><b>Jobs Vacant</b></p> <p><b>Position of Assistant Practitioner (Practice Area)</b></p> <p><b>Number of Assistant Practitioners Required</b></p> <p><b>Please Contact:</b> <b><u>Mr / Miss XXX</u></b> <b><u>Address Of The Company</u></b> <b><u>Contact Numbers Of The Company</u></b></p> <p><b>Closing Date for Application</b> <b><u>One week after the date of advertisement</u></b></p>	<p><b>Jobs Vacant</b></p> <p><b>Traditional &amp; Complementary Medicine Assistant practitioner (Ayurvedic Assistant practitioner)</b></p> <p><b>Three (3) Assistant Practitioners are Required</b></p> <p><b>Please Contact:</b> <b>Mr Siva or Miss Farah</b> <b>XXX Ayurvedic Centre</b> <b>No 2, Jalan XXX, Taman XXX, 51000 KL</b> <b>03-32132132</b></p> <p><b>Closing Date for Application: 12 May 2021</b></p>

*Nota:*

*Format dan Saiz Iklan jawatan di atas adalah sebagai rujukan sahaja.*

**KELAYAKAN ASAS YANG DIPERLUKAN**

<b>Bil</b>	<b>Bidang Amalan</b>	<b>Jenis Pembantu Pengamal</b>	<b>Kelayakan Asas</b>
1.	Perubatan Tradisional India	Pembantu pengamal PT&K (Ayurveda, Siddha, Unani, Naturopati dan Yoga)	Sijil atau diploma dalam bidang yang berkenaan - Kelulusan agregat/ purata gred B dan ke atas; dan - Tempoh latihan minimum: 1000 jam sepanjang tempoh sekurang-kurangnya 1 tahun